



## OBAVIJEST

Služba za razvoj, privredu i zajedničke poslove općine Ključ obavještava poljoprivredne proizvođače da je Ministar poljoprivrede, vodoprivrede i šumarstva Unsko – sanskog kantona donio Uputstvo za ostvarivanje novčanih podrški u primarnoj poljoprivrednoj proizvodnji za 2017.godinu, broj : 08-02-5167-2/17 od 16.05.2017.godine, na osnovu člana 11. i člana 29. stav 2. Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Službeni glasnik Unsko-sanskog kantona“ broj: 07/08 i 4/12) i člana 1. stav 2. Odluke o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2017. godinu, broj: 03-017-929/2017 od 11.05.2017.godine, a u vezi sa članom 43. Zakona o izvršenju Budžeta Unsko-sanskog kantona za 2017. godinu («Službeni glasnik Unsko-sanskog kantona», broj: 6/17)

Pravo na novčane podrške ostvaruju korisnici/poljoprivredni proizvođači koji pored općih uslova moraju ispunjavati i posebne kriterije za ostvarivanje novčanih podrški.

Na propisanim obrascima poljoprivredni proizvođači pojedinačno podnose zahtjeve za ostvarivanje novčanih podrški u primarnoj poljoprivrednoj proizvodnji uz koje prilažu propisanu dokumentaciju u Službu za razvoj, privredu i zajedničke poslove.

### **ROKOVI ZA PODNOŠENJE PRIJAVA I ZAHTJEVA ZA OSTVARIVANJE PRAVA NA KANTONALNE NOVČANE PODRŠKE U 2017.GODINI**

#### **ANIMALNA PROIZVODNJA**

##### 01.11.2017.godina

- Sufinansiranje pretraga na Američku kugu kod pčela – minimalno 20 aktivnih pčelinjih društava – visina podrške iznosi 6 KM/društvo.  
*Zahtjev za izradu zapisnika podnijeti najkasnije 30.08.2017.godine putem općinske službe Uzgojno selekcijskoj službi.*

##### 30.11.2017.godina

- Uzgoj 1 grla rasplodne junice – visina podrške 350 KM/grlo  
*Zahtjev za izradu zapisnika podnijeti najkasnije 01.10.2017.godine putem općinske službe Uzgojno selekcijskoj službi.*
- Tov junadi – 2 grla u toku godine – maksimalno dva turnusa u toku 2017. godine – 300 KM/grlo  
*48 sati od trenutka useljenja bilo koje količine teladi podnijeti zahtjev za prijavu tova junadi u općinu i podnijeti zahtjev/prijavu za izradu zapisnika o završetku tova putem općinske službe Uzgojno selekcijskoj službi najkasnije 15 dana prije prodaje.*
- Držanje koka nesilica minimalno 1.000, a maksimalno 5.000 komada – visina podrške 0,07 KM/komad  
*Nakon useljenja jata podnijeti zahtjev za izradu zapisnika Uzgojno-selekcijske službe o stavljanju u proizvodnju 18-to sedmičnih pilenki putem općinske službe.*
- Proizvodnja riblje mlađi (lipen i pastrmka) – proizvodnja i plasman 300.000 komada riblje mlađi veličine najmanje 20 kom/kg – visina podrške 0,03 KM/komad

## BILJNA PROIZVODNJA

### 01.09.2017.

- Proizvodnja povrća (paradajz, paprika i krastavac), jagoda i cvijeća u zatvorenom prostoru – minimalno 200 m<sup>2</sup> sa minimalnim brojem 2,5 presadnice/m<sup>2</sup>. Potrebni su računi o nabavci presadnica ili lukovića cvijeća ili dokaz o prodatom povrću od strane otkupljivača na ime klijenta (minimalno 1 tona povrća/200 m<sup>2</sup>) – visina podrške 3,0 KM/kg.
- Proizvodnja kontejnerskih presadnica povrća – ostvaruju korisnici koji su upisani u Registar proizvođača povrća, micelija jestivih i ljekovitih gljiva kod Federalnog ministarstva poljoprivrede, vodoprivrede i šumarstva, a koji proizvedu od 10.000 do 40.000 kontejnerskih presadnica povrća (paradajz, paprika i krastavac) – visina podrške 0,05 KM/komad

### 30.09.2017.

- Ostvarivanje novčane podrške za nabavku sadnica jagodičastog voća – jagoda – površina monokultura minimalno 0,1 ha, a maksimalno 0,5 ha – visina podrške 2.000 KM/ha.
- Podizanje novih plastenika i staklenika – minimalna površina 100 m<sup>2</sup> – visina podrške 3 KM/ m<sup>2</sup>

### 15.10.2017

- Proizvodnja gljiva na površini supstrata od 50 m<sup>2</sup> do 500 m<sup>2</sup> i plasman na tržište (maksimalan broj 3 turnusa u toku 2017.godine sa ukupnom površinom od 500 m<sup>2</sup>) – visina podrške 1,5 KM/ m<sup>2</sup>.

### 30.11.2017.

- Ostvarivanje novčane podrške za nabavku sadnica jagodičastog voća (malina, kupina, borovnica i aronija) – površina monokultura minimalno 0,1 ha, a maksimalno 0,5 ha – visina podrške 2.000 KM/ha.

## **NOVČANE PODRŠKE ZA KOJE REGISTOVANI OTKUPLJIVAČI-PRERAĐIVAČI I OVALAŠTENE VETERINARSKE ORGANIZACIJE PODNOSE ZAHTJEVE**

- Sufinansiranje laboratorijskih pretraga kvalitete mlijeka i nabavke goriva za proljetnu sjetvu poljoprivredni proizvođači kravljeg mlijeka koji su plasirali mlijeko registriranim otkupljivačima mlijeka na području USK-a u III i IV kvartalu 2016.godine – najmanja količina plasiranog mlijeka 500 litara - visina podrške 0,10 KM/litara isporučenog mlijeka. Registrovane mljekare dostavljaju rastere kantonalnom ministarstvu.
- Proizvodnja povrća na otvorenom : kornišoni, paprika, paradajz, luk, cikla – minimalno 0,1ha i plasira minimalno 2 tone na tržište registrovanim prerađivaču ili otkupljivaču povrća na teritoriji Bosne i Hercegovine a koji je u sistemu PDV-a – visina podrške 0,10 KM/kg  
Registrovani otkupljivači ili prerađivači su dužni u ime korisnika kantonalnom ministarstvu dostaviti potrebnu dokumentaciju najkasnije do 30.10.2017.godine.  
Registrovani otkupljivači ili prerađivači su dužni u ime korisnika Kantonalnom ministarstvu najkasnije do 15.11.2017.godine dostaviti zahtjev sa obračunom novčane podrške.
- Proizvodnja jagodičastog voća (malina, kupina, borovnica, jagoda i aronija) - proizvodnja i predaja registrovanom otkupljivaču na teritoriji Bosne i Hercegovine a koji je u sistemu PDV-a minimalno 1 tone jagodičastog voća – visina podrške 0,4 KM/kg.  
Registrovani otkupljivači ili prerađivači su dužni u ime korisnika kantonalnom ministarstvu dostaviti potrebnu dokumentaciju najkasnije do 30.10.2017.godine.  
Registrovani otkupljivači ili prerađivači su dužni u ime korisnika kantonalnom ministarstvu najkasnije do 15.11.2017.godine dostaviti zahtjev sa obračunom novčane podrške.
- Sufinansiranje izrade mliječnih kartona ostvaruju veterinarske organizacije na području Kantona – visina podrške 4,00 KM/grlo.  
Veterinarske organizacije mjesečno dostavljaju kantonalnom ministarstvu obračunsku tabelu, poljoprivredni proizvođači plaćaju veterinarskim organizacijama razliku od punog iznosa izrade mliječnog kartona. Krajni rok za podnošenje zahtjeva ministarstvu je 30.11.2017. godine

## **OSTALO**

- Novčane podrške ostvarene na osnovu prava u ponovljenim postupcima prema ZUP-u - Novčanu podršku ostvaruju fizička i pravna lica sa područja Unsko-sanskog kantona koji su ostvarili pravo na osnovu prava u ponovljenim postupcima provedenim na osnovu žalbi, po provedenim pravomoćnim sudskim presudama u oblasti novčanih podrški iz prethodnih godina i na osnovu prava da u naknadno određenom roku dopune svoje zahtjeve dokumentacijom koja nedostaje (član.67. i 135. ZUP-a).
- Obaveze iz 2016. godine ostvaruju proizvođači koji su u 2016. godini realizirali proizvodnju i kojima je odobrena novčana podrška, a nije isplaćena zbog nedostatnih novčanih sredstava predviđenih u Budžetu za 2016. godinu, a shodno članu 6. stav 2) Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Službeni glasnik Unsko-sanskog kantona“ broj: 07/08 i 4/12).

Ključ, 25.05.2017.godine

**Služba za razvoj, privredu i zajednička poslove**